

# Russisch

Van Wikipedia

Dit artikel is gesjreve (of begós) in 't Mestreechs. Laes hie wie v'r mit de versjillende saorte Limburgs ómgaon.

't **Russisch** is 'n Oos-Slavische taol en vaan alle Slavische taole de meist gesproke. Nao aontal sprekers is 't de veurnaomste taol in Rusland en Wit-Rusland en de twiede taol in de Oekraïne; wijer gief 't in alle aw Sowjetrepublieke groete minderhede vaan Russische mojertaalsprekers. 160 miljoen lui höbbe 't Russisch es mojertaol, 280 miljoen kinne de taol spreke en verstoon. 'n Zustertaol vaan 't Russisch is 't Wit-Russisch; ouch mèt 't Oekraïens is 't ing verwant. 't Russisch weurt in 't Cyrrillisch sjrif gesjreve. Russisch is ouch ein vaan de zes offesjeel taole vaan de VN.

## De taol

Tot in de achtiende iew woort 't Kèrkslavisch in Rusland es cultuurtaol gebruik. De modern Russische sjrieftaol, en ouch de dialekte vaan Moskou en Sint-Petersburg zien dao hendeg door beïnvloed. De taol heet eine naamval minder es 't Kèrkslavisch: 't heet 'rs zes, die ouch in de spreektaol nog volop leve. 't Werkwoord is, wie in de meeste aander Slavische taole, dèks 'n twie-einheid vaan de imperfectief en de perfectief.

In 't volgend veurbeeld weurt bij de oetspraak de "y" gebruik in plaots vaan de "j" bij "je", "ja", "joe", etc. Dit um neet de verwarring te veroorzake bij wäörd wie шесть. Veer sjrieve dan *sjyest* umtot de "ye" nao de "sj" kump en 't te verwarrend d'r oet zuut es me *sjjest* opsjrijf. 't Accent op de klinkers toent aon op welke lèttergreep de naodrök ligk.

<u>AGL-Limbörgs</u>	<u>Russisch</u>	<u>Oetspraak</u>
nöl	ноль	<i>nol</i>
eine, ein, eint	один, одна, одно	<i>adíén, adnáá, adnó</i>
twie	два, две	<i>dva (man., onz.), dvyè (vr.)</i>
drie	три	<i>trie</i>
veer	четыре	<i>tsjetírye</i>
vief	пять	<i>pyat</i>
zès	шесть	<i>sjyést</i>
zeve	семь	<i>syem</i>
ach	восемь	<i>vóósyem</i>
neuge	девать	<i>dyévat</i>
teen	десять	<i>dyésyat</i>
èlf	одиннадцать	<i>adíénnadtsat</i>
twintig	двадцать	<i>dvádsat'</i>

Me zuut dus versjèllende Indo-Europese verbande tösse de twie taole, wie два en три. Aander Russische wäörd zien gaaroet neet wie op 't Limbörgs, wie один en восемь. 't Woord ноль is evel e lienwoord.

## Russische literatuur

---

De Russische literatuur steit bekind es ein vaan de belaankriekste canons in de Westerse en Europese literatuur. De volgende sjrijvers weure gezeen es pioniers vaan de Russische literatuur:

- Aleksandr Poesjkin (1799-1837)
- Michail Lermontov (1814-1841)
- Ivan Toergenjev (1818-1883)
- Lev Tolstoj (1828-1910)
- Fjodor Dostojevski (1821-1881)
- Anton Tsjechov (1860-1904)
- Anna Achmatova (1889-1966)
- Vladimir Majakovski (1893-1930)
- Ivan Boenin (1870-1953)
- Michail Boelgakov (1891-1940)
- Boris Pasternak (1890-1960)
- Vladimir Nabokov (1899-1977)
- Vladimir Makanin (1937)
- Andrej Koerkov (1961)
- Viktor Pelevin (1962)

## Extern linke

---

- De Russische Wikipedia (<https://ru.wikipedia.org/>)
  - Russische lèsse in 't Hollands (<https://nl.wikibooks.org/wiki/Russisch>)
- 

Aafkomstig van Wikipedia, de Vriej Encyclopedie. "<https://li.wikipedia.org/w/index.php?title=Russisch&oldid=420731>"

---

**Dees pazjena is 't lèts verangerd op 4 aug 2017, 14:23.**

De teks is besjikbaar ónger de [Creative Commons Naomsvermelding/Geliek Deile licentie](#). 't Is mäögelik dat aanvöllende veurwaarde van toepassing zeen. Betrach de [Algemein veurwaarde](#) veur mie informatie.